



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXXII. De Jurisdictione Vicariorum Apostolicorum in Oriente.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Clausulz.

Provinciarum districtibus exercere audeant quovis modo vel præsumant.

§. 3. Ac decernentes easdem præsentibus Literas, & in eis contenta quæcumque, etiam ex eo quod præfati, & alii quicumque in præmissis interesse habentes, seu habere quomodolibet prætendentes, cujuscvis status, gradus, Ordinis, præminentia, & Dignitatis existant, seu alias specifica, & individua mentione, & expressione digni illis non consenserint, seu ad ea vocati, citati, & auditi, causæque propter quas præsentibus emanarint sufficienter adductæ, verificate, & justificate non fuerint, aut ex alia qualibet, etiam quantumvis juridica, & privilegiata causa, colore, prætextu, & capite, etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, aut intentionis Nostræ, vel interesse habentium consensus, aliove quolibet etiam quantumvis magno, & substantiali, ac incogitato, & incogitabili, individuaque expressionem requirente defectu notari, impugnari, infringi, retractari, in controversiam vocari, aut ad terminos Juris reduci, seu adversus illas aperiitionis oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se jurare ullo modo posse, sed ipsas præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit inviolabiliter, & inconculse observari: Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. prædictæ Cardinales, etiam de Latere Legatos, & Sedis Apostolicæ prædictæ Nuncios, aliove quoslibet quacumque præminentia, & potestate fungentes, & futuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac de jure quæsito non tollendo, cæterisque Nostris, & Cancellariæ Apostolicæ Regulis, aliisque Apostolicis, ac in universalibus, provincialibusque, & Synodalibus Conciliis editis Generalibus, vel specialibus Constitutionibus, & Ordinationibus, necnon præfatarum de Pekim, & de Nankim, ac aliarum quarumcumque Ecclesiarum, etiam Metropolitanarum, & Primatialium, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, etiam memorabilibus, privilegiis quoque indultis, & Literis Apostolicis eidem Ecclesiis, illarumque Præsulibus, Capitulis, personis, aliisque quibuslibet, etiam speciali nota dignis, & de necessitate juris, vel facti omnino exprimentis, sub quibuscumque verborum tenoribus, & formis, & cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, etiam motu, scientia, & potestatis plenitudine paribus, etiam consistorialiter, seu ad quascumque personarum, etiam Regia, aut Archiepiscopali, & Primatiali, aliave qualibet Ecclesiastica, vel mundana Dignitate, & potestate fulgentium instantiam, aut eorum contemplatione, seu alias quomodolibet in genere, vel in specie in contrarium præmissorum concessis, ac pluries, & quantiscumque vicibus confirmatis, approbatis, & innovatis. Quibus omnibus, & singulis, etiam si pro illorum suffi-

cienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquiritur forma ad hoc servanda foret, tenores hujusmodi præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscator. die XX. Octob. MDCXCVI. Pontificatus Nostri Anno Sexto.

Præcipitur Archiepiscopo Goan., & Episcopis Machaonen., & Malacen., ut executioni mandent Constitutionem Clem. X. circa jurisdictionem Vicariorum Apostolicorum in Oriente.

Laudata Constitutio ed. fuit 1674. Jun. 7. De Jurisdictione Vicariorum in Regno Sinarum vide Const. præcedentem. Et de illa Vicariorum in Regno Tunkini vide sequentem.

INNOCENTIUS PAPA XII.

Ad futuram rei memoriam.

Cum, sicut ad Nostri pervenit Apostolatus Gaudium, licet felic. record. Clemens Papa X. Prædecessor Noster per quasdam suas in simili formæ Brevis Literas, quarum initium est: *Christiana Religionis, Catholicaque fidei propagationis Opus &c.* die 7. Junii 1674. de particulari Congregationis tunc existentium S. R. E. Cardinalium negotiis Propagandæ fidei præpositorum super rebus Sinarum deputatæ consilio emanatas, auctoritate Apostolica declaraverit, Episcopos Indiarum, aliarumque partium Orientis, eorumque Ministros, & Officiales non posse, nec debere exercere actus Jurisdictionales super Vicarios Apostolicos ad Regna, seu Provincias Orientis pro Religione, & fidei hujusmodi propagatione ab hac Sancta Sede Apostolica missos (quippe ejusdem Sanctæ Sedis Delegatos) eorumque Operarios in Provinciis sibi assignatis; sed iisdem Vicariis Apostolicis dictæ Sedis Delegatis in prædictis Provinciis jurisdictionem privative quoad omnes competere, donec aliter fuisset a Congregatione eorumdem Cardinalium declaratum; Ac contravenientes eo ipso in penas Excommunicationis, & indignationis Romani Pontificis incurrisse censi decrevit, & alias, prout in eisdem Literis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur. Nihilominus novissime Venerabiles Fratres moderni, seu tunc existentes Archiepiscopus Goan., necnon Machaonen. & Malacen. Episcopi, sive potius illorum Ministri, & Officiales causati forsan, licet erronee, a memorata Congregatione Cardinalium aliter fuisse declaratum, ac proinde præfatas Literas non esse amplius executioni demandandas, sive aliis sub prætextibus Venerabilium pariter Fratrum Episcoporum Vicariorum Apostolicorum in Regnis Siami, Cocincinæ, de Sciampa, Cambogia, aliis-

LXXII.

Dat. 22. Oct. 1696. An. 6.

A Clem. X. declaratum fuit dd. Vicarios habere jurisdictionem in suis Provinciis, & contradicere incurrere certas penas.

Prædd. Ordinarii perturbabant jurisdictionem Vicariorum in Regnis Siami, Cocincinæ, de Sciampa, Cambogia, aliisque.

que

que adjacentibus ab eadem Sede deputatorum jurisdictionem, seu illius exercitium impedire praesumpserint, non sine gravi fidelium scandalo, ac infidelium ad fidei Catholicae veritatem conversionis, cui eadem Sancta Sedes dictos Episcopos Vicarios Apostolicos destinavit, detrimento. Hinc est, quod Nos supradictas Clementis Praedecessoris Literas strictae, & inconcussae observari, necnon Fidelium Operariorum in Vinea Domini strenue, ac utiliter laborantium quieti, fideique Catholicae praedictae propagationi, quantum Nobis ex alto conceditur, prospicere cupientes, de nonnullorum ex Venerabilibus Fratribus Nostri S.R.E. Cardinalibus Congregationis Propagandae fidei negotiis praeposita super rebus Sinarum, a Nobis specialiter deputatorum consilio, eosdem modernos, & pro tempore existentes Archiepiscopum Goan. necnon Machaonen., & Malacen. Episcopos, harum serie paterne monemus, eisque auctoritate Apostolica in virtute Sanctae Obedientiae praecipimus, & mandamus, ut dictas Clementis Praedecessoris Literas, & in eis contenta quaecumque, sub poenis in Literis hujusmodi expressis exacte, & inviolabiliter observent, ac observari curent, & faciant; districte propterea inhibentes eis, & per ipsos omnibus illorum Ministris, & Officialibus quocumque nomine nuncupatis, ne in posterum sub quovis quaesito colore, praetextu, causa, vel occasione exercitium Jurisdictionis eorundem Episcoporum Vicariorum Apostolicorum, eorumque operariorum in Regnis Siami, Cocincinae, de Siampa, Cambogia, aliisque adjacentibus supradictis impedire audeant quovis modo, seu praesumant, donec aliter a praedicta Congregatione Cardinalium fuerit ordinatum.

Præceptum  
præd. sub  
certis poe-  
nis.

Clausula.

§. 1. Ac decernentes ipsas praesentes Literas firmas, validas, & efficaces existere, & fore, suosque plenarios, & integros effectus sortiri, & obtinere, sique & non aliter in praemissis per quoscumque Judices Ordinarios, & Delegatos, etiam Causarum Palatii Apostolici Auditores, aliosque quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quibusvis etiam Juramento, confirmatione Apostolica, vel quavis firmitate alia roboratis, Statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud S. Mariam Majorem sub Annulo Pisc. die XXII. Octob. MDCXCVI. Pontificatus Nostri Anno Sexto.

LXXXIII.

Declaratur pro Vicariis Apostolicis, Regnum Tunkini separatam esse, & independens a Dioecesi Machaonen.

De jurisdictione Vicariorum in Oriente vide Constitutionem praecedentem, & Constit. ed. 1697. Februar. 6. P. 6.

INNOCENTIUS PAPA XII.

Ad futuram rei memoriam.

EX commissa Nobis divinitus Apostolicae servitutis munere Venerabilium Fratrum Episcoporum Vicariorum Apostolicorum in Regno Tunkino ab hac Sancta Sede deputatorum, eorumque Operariorum quieti, quantum Nobis ex alto conceditur, consulere, contentionesque omnes, quae inter ipsos, & Venerabilem Fratrem modernum, seu pro tempore existentem Episcopum Machaonen. ejusque Ministros, & Officiales quoscumque oriri, necnon maximum Catholicae Fidei, Christianaeque Religionis propagationi impedimentum adferre possent e medio tollere cupientes, de nonnullorum ex Venerabilibus Fratribus Nostri S.R.E. Cardinalibus Congregationis negotiis Propagandae Fidei praeposita super rebus Sinarum a Nobis specialiter deputatorum consilio, Regnum Tunkini praefatum a Dioecesi Machaonen. penitus, & omnino separatam, ac independens esse, & fore, ac proinde Episcopum Machaonen. supradictum, ejusque Ministros, & Officiales quoslibet quocumque nomine nuncupatos non posse, nec debere sub quovis quaesito colore, praetextu, causa, vel occasione ullos in eo jurisdictionales actus exercere, auctoritate Apostolica tenore praesentium decernimus, & declaramus; salva tamen semper in praemissis auctoritate memoratae Congregationis Cardinalium.

Dat. 23. Oct.  
1696. An. 6.

Causa Decla-  
rationis.

Declaratio  
præd.

Clausula.

§. 1. Decernentes pariter ipsas praesentes Literas firmas, validas, & efficaces existere, & fore, suosque plenarios, & integros effectus sortiri, & obtinere, ac Vicariis Apostolicis praefatis in omnibus, & per omnia plenissime suffragari, ac ab illis, ad quos spectat, & pro tempore spectabit, inviolabiliter & inconcussae observari: Sique & non aliter in praemissis per quoscumque Judices Ordinarios, & Delegatos, etiam Causarum Palatii Apostolici Auditores, & alios quoslibet quacumque praeminentia, & potestate fungentes, & functuros, sublata eis, & eorum cuilibet, quavis aliter judicandi, & interpretandi facultate, & auctoritate judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quibusvis etiam Juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

§. 3. Volumus autem, ut praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae haberetur ipsis praesentibus si forent exhibitae, vel ostensa.

Datum Romae apud S. Mariam Majorem sub Annulo Piscatoris die XXII. Octob. MDCXCVI. Pontificatus Nostri Anno Sexto.